

之

巴陵繪像

滕宗諒字子京謫守巴陵呂帝托為回道士見之風骨聳秀談論俊辨子京異之口占詩贈之曰華州回道人來到岳陽城別我遊何處秋空一劍橫呂帝大笑俄不見子京倩人繪像供岳

陽樓

重光古鏡

尚書郎賈師雄爽為太守時有家藏古鏡甚寶嘗欲淬磨呂帝稱回處士造焉一云有道人自稱善磨鏡乞試其技笥中取藥少許置鏡上辭去曰俟更取藥來追之已不見但見所寓太平寺扉上題詩

道藏輯要

聖蹟紀要

六

摩集五
川上


曰手內青蛇凌白日洞中仙菓艷長春須知物外煙霞客不是街頭磨鏡人爽見而異之知為呂帝視鏡上藥已飛去一點光明如玉後復儒冠登武岡譙樓歎曰佳哉山水五百年無兵火可避亂也

長沙警釋

呂帝遊長沙托為回道人持小瓦罐乞錢得錢無算而罐常不滿人皆神之一日坐市道上言有能以錢滿吾罐者當授以道人爭以錢投罐竟不滿有僧驅一車錢戲曰汝罐能容不道人唯唯及推車入罐曼曼有聲俄不見僧曰神仙耶幻術耶道人口占詩曰非神亦非仙非術亦非幻天地有終窮桑田幾遷變

身固非我有財亦何足戀曷不從吾遊騎鯨騰汗漫僧益驚疑
道人曰若惜此錢耶吾今償你取片緋投鐘祝曰速推車出良
久不出曰非我自取不可因跳入鐘寂然僧擊鐘碎有片緋題
一詩曰尋真要識真見真渾未晤一笑再相逢驅車東平路僧
悵然歸次東平忽見道人曰吾俟汝久矣以車還之錢皆在曰
吾呂公也始謂汝可教今惜錢如此不可也僧方悔謝不及驅車
東平路一作 攜囊瀟湘渡

回心向道

安豐縣娼曹三香染惡疾爲邸以舍往來客呂帝托爲寒士寄
宿僕以其醜褻拒之三香曰吾旣立此門戶垢淨何擇焉遂延
道藏輯要  聖蹟紀要 七 壁集五
入殊禮遇之居無何曹疾作呻吟良苦呂帝曰回心回心時門
外有一皂角樹久槁死帝君乃投以藥卽別翌日樹再生枝葉
甚茂曹始悟其爲神仙而回心者呂也卽毀冠服去粉黛棄家
遠遊人爲建呂先生祠奉祀焉紹興末曹忽還鄉顏狀秀異人
無識者乃自言本末復去不知所終

無心昌老

橫浦大庾嶺有富家子慕道建菴接雲水土多年一日眾建黃
籙大齋方罷忽有一襤褸道人至求齋眾不知恤或加凌辱道
人題詞於壁曰暫遊大庾白鶴飛來誰共語嶺畔人家曾見寒
梅幾度花春來春去人在落花流水處花滿前蹊藏盡神仙人